



UPRAVA

Strana: 1 od 1

Broj protokola:

05-1-25-1-2929-16/25

JAVNO

Datum: 29.01.2026. godine

Na osnovu člana 70., a u vezi sa članom 25. Zakona o javnim nabavkama („Službeni glasnik BiH“, br. 39/14, 55/22 i 50/24), odnosno člana 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom „SARAJEVO“ d.o.o. Sarajevo, te Izvještaja i preporuke Komisije za provođenje postupka javne nabavke robe: Trakcione baterije, broj: 05-3-25-1-2929-15/25 od 22.01.2026. god., Uprava J.P. Međunarodni aerodrom „SARAJEVO“ d.o.o. Sarajevo, na svojoj 9. sjednici, održanoj dana 29.01.2026. god., donosi

ODLUKU

I

Poništava se postupak nabavke robe: Trakcione baterije, proveden metodom nabavke Otvoreni postupak, jer primljena ponuda nije prihvatljiva.

II

Naručilac će, nakon proteka rokova za reviziju, ponoviti postupak nabavke robe iz tačke I ove Odluke, istim metodom.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Trakcione baterije, v.d. direktora J.P. Međunarodni aerodrom „SARAJEVO“ d.o.o. Sarajevo je dana 24.12.2025. godine donio Odluku o pokretanju postupka nabavke, broj: 05-3-25-1-2929-3/25, a dana 29.12.2025. godine, rješenjem, broj: 05-1-25-1-2929-4/25, imenovana je Komisija za provođenje postupka predmetne nabavke. U skladu sa naprijed navedenom odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 26.11.2025. godine na Portalu javnih nabavki objavilo obavještenje o nabavci, broj: 246-1-1-800-3-265/25. Do ostavljenog roka za predaju ponuda, 16.01.2025. godine, na protokol Društva zaprimljena je jedna ponuda, i to ponuđača DŽIDA d.o.o. Čitluk. Na javnom otvaranju ponuda, održanom isti dan u 10:30 sati bez prisustva predstavnika ponuđača, pročitana je naziv ponuđača i ponuđena cijena, koja je iznosila 100.000,00 KM, bez PDV-a.

Nakon javnog otvaranja ponuda, Komisija se sastala radi detaljne analize ponude, kojom prilikom je, nakon prethodno pribavljenog pojašnjenja po pitanju potvrde o urednom izvršenju ugovora, utvrdila da ponuđač nije ponudio sve tražene vrste baterija, a za tri ponuđene da ne odgovaraju tehničkim zahtjevima ((odstupanja u dimenzijama kućišta), pa je Komisija istu, u skladu sa članom 2. stav (1) tačka I) Zakona o javnim nabavkama, ocijenila nepravilnom, te je u svom Izvještaju ka Upravi Društva predložila da se predmetni postupak nabavke poništi i ponovi, uz prethodno preispitivanje razloga koji su doveli do toga da Društvo zaprimi samo jednu ponudu, a ni zaprimljena ponuda ne ispunjava uslove propisane tehničkom specifikacijom.

Uprava Društva je na svojoj 9. sjednici, održanoj dana 29.01.2026. god., razmotrila Izvještaj i preporuku Komisije, te je, nakon uvida u provedeni postupak, na osnovu člana 70. Zakona o javnim nabavkama, odnosno člana 25. Pravilnika o javnoj nabavci roba, usluga i radova u Društva, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučenom poštanskom pošiljkom, u 3 (tri) primjerka, i to u roku od 10 dana od dana prijema Odluke.

V.d. DIREKTOR-a
Amadeo Mandić

Prilog: Zapisnik o pregledu i ocjeni ponuda;

DOSTAVLJENO:

1. Upravi Društva (orig.)
2. Ponuđaču/ima
3. Sektoru za administrativnu podršku
 - Služba nabavke (orig)
 - Služba za pravne poslove i protokol
4. Sektoru razvoja, tehnike i standardizacije
5. a/a